

民國三年季冬月新刊

血證論

渝瀛洲書屋藏板

凡例

一血證自古絕少名論。故是書條分縷析。務求精詳。間有煩文冗字。意取明顯。故不刪削。

一時賢論及血證。率多影響。是書獨從內難仲景探源而出。發揮盡致。實補唐以下醫書之所不逮。故除引經之外。餘無採錄。亦閒有一二暗合者。皆係偶同。並非掠美。識者鑒之。

一書分別門類。眉目極清。卽不知醫者。臨時查閱。無不了然。最便世用之書。

一書議論多由心得。然其發明處。要皆實事實理。有憑有驗。或從古聖引伸。或從西法參得。信而有徵之說也。並非杜撰可比。

一是書單爲血證說法與雜證不同幸勿執彼例此亦幸勿以此議彼

一是書單論血證外有中西醫判六經方證通解兩書嗣出始於雜證推闡無遺容後刊出再求賞析

血證論原叙

先君子體羸善病。故海早歲卽習方書。有恙輒調治之。癸酉

月驟得吐血。繼復轉爲下血。查照各書施治罔效。延請名宿。仍無
確見。大約用調停之藥。以俟病衰而已。因此徧覽方書。每於血證
嘗三致意。時里中人甚詡鄉先輩楊西山先生所著失血大法。得
血證不傳之秘。門下鈔存。私爲鴻寶。吾以先君病故。各方購求。僅
得一覽。而其書議論方藥。究亦未能精詳。以之治病。卒鮮成效。乃
廢然自返。寢饋於內經仲景之書。觸類旁通。豁然心有所得。而悟
其言外之旨。用治血證。十愈七八。今先君旣逝。而荆妻馮氏又得
血疾。新制方劑。竟獲安全。慨然曰。大丈夫不能立功名於天下。苟

有一材一藝稍足補救於當時。而又吝不忍傳。陋哉。爰將失血之證精微奧義。一一發明。或伸古人所欲言。或補前賢所未備。務求理足方效。不爲影響之談。書成。自顧而轉憾。悟道不早。不能延吾父之壽也。然猶幸此書之成。可以救天下後世也。時光緒十年歲在甲申重九後一日。容川唐宗海自叙。

重刊血證論序

易曰。一陰一陽之謂道。天地人。一也。識得陰陽。方識水火。識得水。火。方識血氣。離爲火。爲日。坎爲水。爲月。火。日。陽也。水。月。陰也。然陰陽互藏其宅。火陽而含陰。水陰而含陽。二者皆氣爲之。而坎爲血。卦爲赤。血者陰液而赤者。陽色也。則謂水中有火。亦無不可。今儀部王致唐子容川血證論一書。西標陰陽水火血氣論。曰水卽爲氣。火卽爲血。讀者不審。方怖其言。猶河漢。又云。氣卽水中之陽氣。與水本屬一家。治氣卽是治水。火爲陽而生血之陰。卽賴陰血以養。治火卽是治血。血與火原屬一家。云云。然後知所謂氣血特根水火而言。非氣卽是水。血卽是火也。而於一陰一陽互相維繫之。

理鑿鑿言之。旨哉明辯以晰矣。其進於道而有得於易者乎。人生不能無病。而血病尤難治。古來專書絕少。業醫者每遇症棘手。今觀唐子此論。貫穿諸書。條分縷析。爲醫家抉安探微。不啻掉廣長舌。說榜嚴也。論者不察。或指其一二語。以相詬病。然南陽活人書。稱欬逆爲噦。或謬於靈樞。傷寒論究極標本症治。於風溫引而不發。此存乎讀書者之善取耳。宋史崧有云。爲醫者必讀醫書。讀而不能爲醫者有矣。未有不讀而能爲醫者也。不讀醫書。又非世業殺人尤毒於梃刃。余

序言

余素不知醫。家人有病。處方治劑。惟醫者之言。是從及近。患血證者三人。未及一載。均不起。豈真疾不可爲耶。亦以醫者之於陰陽水火氣血。未之深悉。而徒以影響模糊。雜投方劑。冀藥與病之萬有一合。術則疏矣。焉往而不殺人也。同官敖君禹九。知醫者也。以其鄉人唐容川儀曹所著血證論八卷。見示。探微抉奧。綜括靡遺。而又得醒快之筆。以達之。使讀者喜其新奇。服其精確。卽不知醫者。亦得以者。其議論證治。曉然於受病之由。與所以用藥之故。豈非活人之祕笈。濟世之慈航哉。夫醫書之行世者夥矣。而血證獨少。專書良以醫之淺者。闇於理而不敢言。旣明其理矣。而文詞蹇

拙更不能有所撰述以傳於天下後世。微是書出。其何以起沈疴。而詔後學乎。海內業醫者。誠守其說而融會貫通。確有心得。知血證難治。初非不可治。自不致以游移莫定之見。存以藥試病之心。展轉延誤。戕害多命。是則唐君著書之意。亦卽敖君重刻是書之意也。夫時

光緒一有九年孟夏之月。知鄖陽府事仁和許有麟謹序。



以其無於是書之再刊特序之以附於篇云。時光緒十八年歲次壬辰孟秋。胡知鄖縣事蜀東敖貢賢序。

血證論目錄

第一卷總論六條

陰陽水火血氣論

男女異同論

臟腑病機論

脈證生死論

用藥宜忌論

本書補救論

第二卷血上干證治十四條

吐血

嘔血

咯血

唾血

欬血

鼻衄

腦衄

目衄

耳衄

齒衄

舌衄

大衄

零腥

吐膿

第三卷血外滲證治七條

血汗

血箭

血痣

血瘰

瘡血

刀傷血

跌打血

第四卷血下泄證治六條

便血

便膿

尿血

月經血

崩帶

產血

第五卷血中瘀證治五條

瘀血

蓄血

血蠱血腫付

經閉

胎氣

第六卷失血兼見諸證

癆瘵

欬嗽

發熱

厥冷

寒熱

出汗

發渴

心煩

臥寐夢瘖

喘息

呃噦

痰飲

痞滿積聚癥瘕腫脹

怔忡

驚悸

健忘

恍惚癲狂見鬼眼目

目黃出火見鬼
昏花目珠紅

暈痛

耳病

口舌

咽喉

聲音

腹痛

痿廢

遺精

痺痛

淋濁

便閉

瀉泄

飲食

感冒

瘕墜拘急

暑疫

食復

勞復怒復

房勞復

時復

附抱兒癆論

第七卷方解

古今方共七十五條

第八卷方解

古今方共九十三條

遺方續補

血證論一卷

四川彭縣容川唐宗海著

陰陽水火氣血論

人之身。不外陰陽。而陰陽二字。卽是水。火。水。火二字。卽是氣。血。水卽爲氣。火卽爲血。何以言水。卽爲氣哉。氣著於物。卽化爲水。是明驗也。蓋人身之氣。外充皮毛。內走腸胃。上出口鼻。下吸關元。關元在膀胱。腎間氣之根蒂也。腎爲水臟。膀胱爲水府。氣卽水中之陽。隨太陽經脈布護於外。則爲衛氣。上交於肺。則爲呼吸。脈五臟六腑。息以相吹。止此一氣而已。然氣生於水。卽能化水。水化於氣。亦

能病氣氣之所至。水亦無不至焉。故太陽之氣逢於皮毛則爲汗。氣挾水陰而行於外者也。太陽之氣上輸於肺膀胱腎中之水陰。卽隨氣升騰而爲津液。是氣載水陰而行於上者也。氣化於下則水道通而爲溺。是氣行水亦行也。設水停不化。外則太陽之氣不達而汗不得出。內則津液不生。痰飲交動。此病水而卽病氣矣。又有肺之制節不行。氣不得降。因而癰閉滑數。以及腎中陽氣不能鎮水爲飲爲瀉。不一而足。此病氣卽病水矣。總之氣與水本屬一家。治氣卽是治水。治水卽是治氣。是以人參補氣實則甘寒滋潤。大生水津津液充足。而肺金腴潤。肺主氣其葉下垂以納氣。得人參生津以補肺。故氣得所補益焉。卽如小柴胡仲景自注云。上焦

得通津液得下胃氣因和是通津液卽是和胃氣蓋津液足則胃
上輸肺肺得潤養其葉下垂津液又隨之而下如雨露之降五臟
戴澤莫不順利而濁陰全消亢陽不作肺之所以制節五臟者如
此設水陰不足津液枯竭上則痿欬無水以濟之也下則閉結制
節不達於下也外則蒸熱水陰不能濡於肌膚也凡此之證皆以
生水爲治法故清燥救肺湯生津以補肺氣豬苓湯潤利以除府
氣都氣丸補水以益腎氣卽如發汗所以調衛氣也而亦戒火攻
以傷水陰故用白芍之滋陰以啟汗原用花粉之生津以救汗液
卽此觀之可知滋水卽是補氣然補中益氣湯六君子腎氣丸是
皆補氣之方也何以絕不滋水哉蓋無形之水陰生於下而濟於